

Avrikidņipen
andro gaveskeri samosprava u avrikidņipen andro samospravna khotora andro berš 2026

E INFORMACIJA SAR TE PODHAZDEL

O voličis šaj podhadzel ča andro gav l'ikerdo bešibnaha andro volebno okrskos, andre savo hino pro zosnamos le voličenca zairindo.

O voličis sar avel andro avrikidņipnaskero kher musaj tesikavel la okrskovake komisijake peskero ul'ipen avri le občansko prevkaziha vaj varesavo dokladoha palo bešiben predalo cudzincos.

Avrikidņipnaskeri okrskovo komisija thovla andre kerekica o numeris le voličiskere naveha pro zosnamos le voličenca so avrikiden andro samaspravna khotora. O voličis chudela e belavo kopertka bijal o pherd'ipen, le otlačkoša palo uradno gaveskeri, foroskeri pečatka u the duj avrikidņipnaskere kartkici le belavo pruhenca-jekh krtkica predalo avrikidņipen andro zastupitel'stvos samospravno khotorengro u jekh kartkica predal o avrikidņipen le predcedas palo samospravno khotor. Pal'is e okrskvo avrikidņipnaskeri komisija thovla andre kerekica le voličiskero numeris andro zosnamos le voličenca predal o avrikidņipen andro gaveskeri samosprava (foroskeri).

U dela le voličiske parņi kopertka bijal o pherd'ipen le otlačkoša pale uradno gaveskeri (foroskeri) pečatka u the duj parne avrikidņipnaskere kartky-jekh kartka predalo avrikidņipen andro gaveskero (foroskero) zastupitel'stvo u jekh avrikidņipnaskeri kartkica predalo hazdņipen le /šerales palo gav/ starsostas palo gav (šerales palo foros/primatoris andro foros).

O voličis peskere irišagoha potverdzinela, pro dojekh avrikidņipnaskero zosnamos le voličenca, hoj preiļa avrikidņipnaskeri kartkica the e kopertka.

Dojek voličis musaj peršo tedžan pro osobitno than kaj pes prikerena avrikidņipnaskere kartkici u avke dela peskero lav/avrikidela. O Voličis sar nadžala pro osobitno than, e okrskovo avrikidņipnaskeri komisija nadomukela te podhadzel / te del peskero lav.

Pre avrikidņipnaskeri kartkica predalo vol'bi andro zastupitel'stvos predalo samsopravno khotora šaj o voličis te thovel andre kerekica ajci numera le kandidatenca, keci šaj ačhen bičhade andro volebno obvodos (zrachimen keci bičhade/ o poslanci pes šaj avrikiden hino irindno numeris pre kartkica).

Pre avrikidņipnaskeri kartkica predalo vol'bi le predcedas predal o samsospravno khotor šaj o voličis tethovel andre kerekica ča jekh numeris le kandidatoha.

Pro osobitno than predal prikerd'ipena avrikidņipnaskere kartkici o voličis thovla **andre belavo kopertka/e obalka e kartica predalo avrikidņipena andro zastupitel'stvos predalo samospravno khotor u the avrikidņipnaskeri kartkica predalo vol'bi le predcedas palo samospravno khotor.**

Pre avrikidņipnaskeri kartkica predalo vol'bi predal o bičhade /o poslanci andro gaveskero (foreskero) zastupitel'stvos, šaj o voličis te thovel andre kerekica ajci numera le kandidatenca, keci šaj ačhen bičhade andro volebno obvodos. (zrachimen keci bičhade / o poslanci pes šaj avrikiden hino iridno numeris pre kartkica).

Pre avrikidņipnaskeri kartkica predalo vol'bi le starostas andro gav (foros) šaj o voličis thovel andre kerekica ča jekh numeris le kandidatoha.

Pro osobitno than predalo prikerd'ipena le avrikidņipnaskere kartki thovla o voličis **andre parņi kopertka o avrikidņipnaskero listas predalo avrikidņipen andro gaveskero (foreskero) zastupitel'stvos u avrikidņipnaskero listas predal o avrikidņipen le starostas andro gav (foros).**

Te o voličis thovela e avrikidņipnaskeri kartkica andre nalači kopertka, e kartkica nane platno.

Pro voličiskero mangavipen e okrskovo avrikidņipnaskeri komisija vaše namištes prikerd'i avrikidņipnaskeri kartkica dela le voličiske aver kartka. Namištes prikerd'i avrikidņipnaskeri kartkica thovla o voličis andre baksica kaj pes odthovkerna o avrikidņipnaskere kartkici bijal o prikerd'ipena, vaj namištes prikerde.

O voličis, sar našt'i korkoro prikerel e avrikidņipnaskeri kartkica predalo teštoskeri, /sařipnaskeri chiba, vaj vaš o da hoj našt'i genel, vaj te lekhavel/irinel a phenela pal ad'i situacija mek sigeder sar podhadzela la okrskovake avrikidņipnaskera komisijake, šaj lel peha aver manušes pro osobitno than kaj pes prikeren o avrikidņipnaskere kartki. Oda aver manuš musaj te jel sposobilo, u kerela avke sar chudel o pokini jekhetane le zakonoha prikerel e avrikidņipnaskeri kartkica u thovela la andre kopertka. Sa oduj džane sikl'ona jekhe dženestar andale okrskovo komisija mek sigeder sar džana pro osobitno than kaj pes prikeren o avrikidņipnaskere kartkici. O členos okrskovo avrikidņipnaskera komisijatar len sikavela sar teden peskero lav/ sar avritekiden u the palo skutkos trestno činos te zmosarena o avrikidņipnaskero čiros u the pal o trestno keribena avrikidņipnaskera korupcijaha. **Džene andal e volebno komisja našti prikerkeren le voličenge o avrikidņipnaskere kartkici.**

Sar o voličis džala avri andalo osobitno than predalo prikerd'ipena le avrikidņipnaskere kartkici u thovela e **belavo kopertka/ e obalka /andre belavo baksica** predal o avrikidņipen andre samospravno khotora, **u parņi kopertka /e obalka/ andre parņi baksica** predalo avrikidņipen andre gaveskeri samosprava.

Te o voličis thovela e kopertka/e obalka/ andre nalači baksica pro avrikidņipen, ajso avrikidņipen nane platno.

Vaš o voličis la teštoskera chibaha, so našti thovel korkoro e kopertka andre avrikidņipnaskeri baksica, šaj te mangel aver voličis mi thovel vaš leste, al'e na o dženo la okrskovo avrikidņipnaskera komisijatar.

O voličis, sar našti avel andre avrikidņipnaskero kher andalo zavažna, jekhbuter sast'ipnaskere dovody, hin les čačipen te mangel gaveskero urados kaj pre avrikidņipnaskero d'ives e okrskovo avrikidņipnaskeri komisija mi kerel o hazdņipen andre hordind'i avrikidņipnaskeri baksica, u oda šaj ča pro phuva andro obvodos avrikidņipnaskereskero okrskos, pre savo les hin l'ikerdo bešiben.

Ovoličis musaj te odthovel o kartki bial o prikeribena vaj namištes prikerde avrikidņipnaskere kartki andre zapečařimen baksica predalo nachasņarde abo namištes prikerde avrikidņipnaskere kartki, inakšones kerela prjestupkos, vaš savo chudela e pokuta 33 euri.